

永明延壽大師

宗鏡云。心能作佛。心作眾生。心作天堂。
心作地獄。心異則千差競起。心平則法界坦
然。心凡則三毒縈纏。心聖則六通自在。心
空則一道清淨。心有則萬境縱橫。萬行由
心。一切在我。善因終值善緣。惡行難逃惡
境。欲外安和。但內寧靜。心虛境寂。念起
法生。修行之要。眾妙之門。群靈之府。昇
降之本。禍福之原。但正自心。何疑別境。
離眾生罪行。福行。不動行。終無三界苦樂
果報。離眾生見聞覺知。豈有陰處界等境
界。一念心不生。六根總無過。不思一物。
即是本心。